

# Center naziunal per tratga da muvel manidel

Da las tractativas da la regenza grischuna

■ (cc) La regenza grischuna ha approvà in concept per realisar in center naziunal da cumpetenza per la tratga da muvel manidel en il bain puril Waldhaus a Cuira. Plinavant ha la regenza approvà differentas contribuziuns. Or

dal bain puril Waldhaus a Cuira vegn fatg in center naziunal da cumpetenza per la tratga da muvel manidel. La regenza ha approvà in concept da gestiun per ch'il center da furmazium e cussegliaziun agricula Plantahof possia installar il center da cumpetenza. L'installaziun vegn fatga resguardond ils basegns dals servetschs psychiatrics dal Grischun (SPGR) per crear ina purschida da terapia cun animals per umans cun ina mal-

sogna psichica da la clinica Waldhaus vischina. Il concept da gestiun mussa co ch'il basegn da spazi dal center da cumpetenza per la tratga da muvel manidel e dal SPGR vi dal bain puril po vegnir realisà.

La direziun dal bain puril Waldhaus mida per il 1. da schaner 2014 dal SPGR al Plantahof. L'effectiv da persunal dal bain puril vegn surpiglià dal Plantahof. Il center naziunal da cumpetenza per la tratga da muvel manidel duai sa sviluppar sco nova pitga dal Plantahof. Il Plantahof vul cuntanscher cun quest project ina professionalisaziun da la tratga da muvel manidel ch'è economicamain ininteressanta ed el vules cuntanscher en

Svizra ina rolla da pionier en quest sector. Resalvada resta l'approvaziun dal credit posterius tras la commissiun da gestiun dal cussegl grond.

L'uffizi da construcziun auta vegn incumbensà cun la planisaziun da las adattaziuns architectonicas necessarias dal bain puril Waldhaus. Las stallas avant maun vegnan transfurmadas en stallas per muvel manidel uschia ch'ellas tegnan quint dals basegns dals animals. Sco effectiv d'animals èn previs 60 chauras da latg, 60 nursas da latg, 40 nursas-mamma e lur ansiels ed agnels. Muvel da latg na vegni betg pli a dar sin il bain puril Waldhaus. Las vatgas vegnan vendidas.